



孝經註疏

中

995  
2





995  
2

孝經註疏卷第四

宋邢昺校

皇明朝列大夫國子監祭酒臣韓世能等奉

勅重校刊

孝治章第八疏

正義曰夫子述此明王以孝治天下也前章明先王因天地順人情以為教此章言明王由孝而治故以名章次三才之後也

子曰昔者明王之以孝治天下也

言先代聖明之王

以至德要道化人是為孝埋

不敢遺小國之臣而況

於公侯伯子男乎

小國之臣至卑者耶王尚接之

以禮況於五等諸侯是廣敬也

故得萬國之歡心以



明治  
月  
日  
未



事其先王

萬國舉其多也言行孝道以理天下皆

得歡心則各以其職來助祭也

疏子曰至先王○正

子曰者為事訖更別起端首故也言昔者聖明之王能以孝道治於天下大教接物故不敢遺小國之臣而况於五等之君乎言必禮敬之明王能如此故得萬國之懽心謂各脩其德盡其懽心而來助祭以事其先王經先王有六馬一曰先王有至德二曰非先王之法服三曰非先王之法言四曰非先王之德行五曰先王見教之此皆指先代行孝之王此章云以事其先王則指行孝王之考祖○註言先至孝理○正義曰此釋孝治之義也國語云古曰在昔曰先民尚書洪範云睿作聖左傳昭臨四方曰明昔者非當時代之名明王則聖王之稱也是汎指前代聖王之有德者經言明王還指首章之先王也以代言之謂之先王以聖明言之則為明王事義相同故註以至德要道釋之○註小國至敬也○正義曰此依王註

義也五等諸侯則公侯伯子男舊解云公者正也言正行其事侯者候也言斥侯而服事伯者長也為一國之長也子者字也言字愛於小人也男者任也言任王之職事也爵則上皆勝下若行事亦互相通舜典曰輯五瑞孔安國曰舜欽公侯伯子男之瑞圭璧斯則堯舜之代已有五等諸侯也論語云殷因於夏禮周因於殷禮案尚書武成篇云列爵惟五分土惟三鄭註王制云殷所因夏爵三等之制也是有公侯伯而無子男武王增之總建五等時九州界狹故土惟三等則王制云公侯方百里伯七十里子男五十里至周公攝政斥大九州之界增諸侯之大者地方五百里侯四百里伯二百里子一百里男百里然據鄭玄夏殷不建子男武王復增之也案五等公為上等侯伯為次等子男為下等則小國之臣謂子男卿大夫况此諸侯則至卑也曲禮云列國之大夫入天子之國曰某土諸侯言列國者兼小大是小國之卿大夫有見天子之禮也言雖至卑盡來朝聘則天子以禮接之案周禮掌客云王公饗餼九牢飧五牢侯



伯養饗七牢，殮四牢，子男養五牢，殮三牢，三等其五等之介，行人宰史皆有殮養，饗唯上介有禽獸，其卿大夫士有特來聘問者，則待之如其為介時也。是待諸侯及其臣之禮，是皆廣敬之道也。○註：萬國至祭也。○正義曰：萬國舉其多也。○依魏註也。詩書之言萬國者多矣。亦猶言萬於是舉多而言之，不必數滿於萬也。皇侃云：春秋稱禹會諸侯於塗山，執玉帛者萬國，言禹要服之內地方七千里而置九州，九州之中有方百里七十里五十里之國，計有萬國也。因引王制：殷之諸侯有千七百七十三國也。孝經稱周諸侯有九千八百國，所以證萬國為夏法也。信如此說，則周頒云：殺萬邦六月云：萬邦為憲，豈周之代復有萬國乎？今不取也。云：言行孝道以理天下，皆得懽心，則各以其職來助祭也。○言明王能以孝道理於天下，則得諸侯之懽心，以事其先王也。各以其職來祭者，謂天下諸侯各以其所職貢來助天子之祭也。和者禮器云：大饗其王事與註云：盛其饌與貢謂禘祭先王，又云：三牲魚腊，四海九州之美味也。籩豆之

薦四時之和氣也。註云：此饌諸侯所獻。又云：內金示和也。註云：此所貢也。內之庭實先設之，金從革性和，荆揚二州貢金三品。又云：束帛加璧尊德也。註云：貢事所執，致命者君子於王比德焉。又云：龜為前列，先知也。註云：龜知事情者，陳於庭在前。荆州納錫大龜，又云：金次之見情也。註云：金，祭物，金有兩義，先入後設。又云：丹漆絲纊竹箭與衆共財也。註云：萬民皆有此物，荆州貢丹，兗州貢漆，絲，豫州貢纊，揚州貢篠，蕩又云：其餘無常貨，各以國之所有則致遠物也。註云：其餘謂九州之外夷服，鎮服，蕃服之國。周禮九州之外謂之蕃國，世一見各以其所貢寶為贄。周穆王征犬戎，得白狼白鹿，近之大傳云：遂率天下諸侯執豆籩，駮奔走，又周頌曰：駮奔，治國者不敢侮於鰥寡而況於士民乎。○註：理國謂諸侯也。鰥寡國之微者，君尚不敢輕侮。況知禮義之士乎。故得百姓之懽心以事



其先君註

諸侯能行孝理得所統之權心則皆恭事

助其祭享也

疏 治國者至先君。正義曰此說諸侯

尚不敢輕侮以鰥夫寡婦而况於知禮義之士乎

亦言必不輕侮也以此故得其國內百姓懼悅以事

其先君也。正義曰云理國謂諸

侯也者此依魏註也案周禮云體國經野詩曰生此

王國是其天子亦言國也易曰先王以建萬國親諸

侯是諸侯之國上言明王理天下此言理國故知諸

侯之國也云鰥寡國之微者君尚不敢輕侮者案王

制云老而無妻者謂之鰥老而無夫者謂之寡此天

民之窮而無告者也則知鰥夫寡婦是國之微賤者

也言微賤之者國君尚不輕侮况知禮義之士乎釋

經之士民詩云彼都人士左傳曰多殺國士此皆說

指有知識之人不必居官授職之士舊解士知義理

又曰士丈夫之美稱故註言知禮義之士乎謂民中

知禮義者。正義曰云諸侯能行

孝理得所統之權心者此言諸侯孝治其國得百姓

之懼心也一國百姓皆是君之所統理故以所統言

之孔安國曰亦以相統理是也云則皆恭事助其祭

享也者祭享謂四時及禘祫也於此祭享之時所統

之人則皆恭事其職事獻其所有

以助於君故云助其祭享也

治家者不敢失於臣

妾而况於妻子乎註 理家謂卿大夫臣妾家之賤者

妻子家之貴者

故得人之權心以事其親註 卿大夫

位以材進受祿養親若能孝理其家則得小人之懼

心助其奉養

疏 治家者至其親。正義曰說卿大夫

之孝治也言以孝道理治其家者不

敢失於其家臣妾賤者而况於妻子之貴者乎言必

不夫也故得其家之權心以承事其親也。正義曰

至貴者。正義曰云理家謂卿大夫者此依鄭註也



王制曰上大夫卿則知治家謂卿大夫云臣妾家之  
賤者案尚書費誓曰竊馬牛誘臣妾孔安國云誘偷  
奴婢既以臣妾為奴婢是家之賤者也云妻子家之  
貴者案禮記哀公問於孔子孔子對曰妻者君之主  
也敢不敬與子者親之後也敢不敬與是妻子家之  
貴者也○註卿大夫至奉養○正義曰云卿大夫位  
以材進者案毛詩傳曰建邦能命龜由能施命作器  
能銘使能造命升高能賦師旅能誓山川能說喪紀  
能諫祭祀能語君子能此九者謂有德者可以為  
大夫是位以材進也云受祿養親者若能孝理其家  
則受其所以稟之祿以養其親云若能孝理其家則得  
小人之權心者謂小大皆得其權心小謂臣妾大謂  
妻子也云助其奉養者案禮記內則稱子事父母婦  
事舅姑日以雞初鳴處盥漱以適父母舅姑之所問  
衣煖寒饋醢酒醴芼羹菽麥蕡稻黍梁秫唯所欲棗  
栗餈蜜以甘之父母舅姑必嘗之而後退此皆奉養  
尊親也天子諸侯繼父而立故言先王先君也大夫  
唯賢是授居位之時或有俸祿以逮於親故言其親

也註順經文所以言助其奉養此謂事親生之義也  
若親以終沒亦當言助其祭祀也明王言不敢遺小  
國之臣諸侯言不敢侮於寡寡大夫言不敢失於臣  
妾者劉炫云遺謂意不存錄侮謂忽慢其人失謂不  
得其意小國之臣位卑或簡其禮故云不敢遺也  
寡人中賤弱或被入輕侮欺陵故曰不敢侮也臣妾  
營事產業宜須得其心力故云不敢失也明王況公  
侯伯子男諸侯況士民卿大夫況妻子者以王者尊  
貴故況列國之貴者諸侯差卑故況國中之中者以  
五等皆貴故況其卑也大夫或事父母故況家人之  
貴者也夫然故生則親安之祭則鬼享之夫然者上  
孝理皆得懼心則存安其榮沒享其祭是以天下和  
平災害不生禍亂不作註上敬下懼存安沒享人用  
和睦以致太平則災害禍亂無因而起故明王之以



孝治天下也如此註

言明王以孝為理則諸侯以下

化而行之故致如此福應

疏夫然至此此總結天子諸侯卿太

夫之孝治也言明王孝治其下則諸侯以下各順其  
教皆治其國家也如此各得懽心親若存則安其孝  
養沒則享其祭祀故得和氣降生感動昭昧是以普  
天之下和睦太平災害之萌不生禍亂之端不起此  
謂明王之以孝治天下也能致如此之美註夫然  
者至其祭正義曰云夫然者然上孝理皆得懽心  
者此謂明王諸侯大夫能行孝治皆得其懽心也云  
則存安其策者釋生則親安之云沒享其祭者釋祭  
則鬼享之也註上敬至而起正義曰此釋天下  
和平以皆由明王孝治之所致也皇侃云天反時為  
災謂風雨不節地反物為妖妖即害物謂水旱傷禾  
稼也善則逢殃為禍臣下及逆為亂也註言明至  
福應正義曰云言明王以孝為理則諸侯以下化  
而行之者案上文有明王諸侯大夫三等而經獨言

明王孝治如此者言由明王之故也則諸侯以下奉  
而行之而功歸於明王也云故致如此福應者福謂  
天下和平應謂災詩云有覺德行四國順之註覺大  
害不生禍亂不作詩云有覺德行四國順之註覺大  
也義取天子有大德行則四方之國順而行之疏詩

至順之正義曰夫子述昔時明王孝治之義畢乃  
引大雅抑篇贊美之也言天子身有至大德行使四  
方之國皆順而行之註覺大至行之正義曰云  
覺大也此依鄭註也故詩箋云有大德行則天下順  
從其化是以覺為大也云義取天子有大德行則  
四方之國順而行之者言引詩之大意如此也

孝經註疏卷第四







乾人倫資父為天故孝行之大莫過尊嚴其父也嚴

父莫夫於配天則周公其人也謂父為天雖無貴

賤然以父配天之禮始自周公故曰其人也疏曾子

人也。正義曰夫子前說孝治天下能致災害不生禍亂不作是言德行之大也將言聖德之廣不過於孝無以發端故又假曾子之問曰聖人之德更有加於孝乎乎猶否也夫子承問而釋之曰天地之性人為貴性生也言天地之所生唯人最貴也人之所行者莫有大於孝行也孝行之人者莫有大於尊嚴其父也嚴父之大者莫有天於以父配天而祭也言以父配天而祭之者則文王之子成王叔父周公是其人也。正義曰此依鄭註也夫稱貴者是殊異可重之名按禮運曰人者五行之秀氣也尚書曰惟天地萬物父母惟人萬物之靈是異於萬物也。正義曰萬物至父也。正義曰云萬物資始於

乾者易云大哉乾元萬物資始是也云人倫資父為天者曲禮曰父之讐弗與共戴天鄭玄曰父者子之天也殺已之天與其戴天非孝子也杜預左氏傳曰婦人在室則天父出則天夫是人倫資父為天也云故孝行之大莫過尊嚴其父也者尊謂崇也嚴敬也父既同天故須尊嚴其父是孝行之大也。正義曰至人也。正義曰云謂父為天雖無貴賤者此將釋配天之禮始自周公故先張此文言人無限貴賤皆得謂父為天也云然以父配天之禮始自周公故曰其人者但以父配天編檢羣經更無殊說按禮記有虞氏尚德不郊其祖夏殷始尊祖於郊無父配天之禮也周公大聖而首行之禮無二尊既以稷配郊天不可又以文王配之五帝天之名也因享明堂而以文王配之是周公嚴父配天之義也亦所以申文王有尊祖之禮也經稱周公昔者周公郊祀后稷以配天后稷周之始祖也郊謂園丘祀天也周



公攝政因行郊天之祭乃尊始祖以配之也宗祀文

王於明堂以配上帝明堂天子布政之宮也周公

因祀五方上帝於明堂乃尊文王以配之也是以四

海之內各以其職來祭君行嚴配之禮則德教刑

於四海海內諸侯各修其職來助祭也夫聖人之德

又何以加於孝乎言無失於孝者疏昔者至孝乎  
陳周公以父配天因言配天之事自昔武王既崩成  
王年幼即位周公攝政因行郊天祭禮乃以始祖后  
稷配天而祀之因祀五方上帝於明堂之時乃尊其  
父文王以配而享之尊父祖以配天崇孝享以致敬  
是以四海之內有土之君各以其職貢來助祭也既  
明聖治之義乃總其意而答之也周公聖人首為尊

父配天之禮以極於孝敬之心則夫聖人之德又何  
以加於孝乎是言無以加也○后稷至配之○正  
義曰云后稷周公之始祖也者按周本紀云后稷名  
棄其母有邰氏女曰姜嫄為帝嚳元妃出野見巨人  
跡心忻然欲踐之踐之而身動如孕者居期而生子  
以為不祥棄之隘巷馬牛過者皆踐不踐徙置之林  
中適會山林多入遷之而棄渠中冰上飛鳥以其翼  
覆藉之姜嫄以為神遂收養長之初欲棄之因名曰  
棄棄為兒好種樹麻菽及為成人遂好耕農帝堯舉  
為農師天下得其利有功帝舜曰棄黎民阻饑爾后  
稷播時百穀封棄於邰號曰后稷后稷曾孫公劉復  
修其業自后稷至王季十五世而生文王受命作周  
按毛詩大雅生民之序曰生民尊祖也后稷生於姜  
嫄文武之功起於后稷故推以配天焉是也云郊謂  
園丘祀天也者此孔傳文祀祭也祭天謂之郊周禮  
大司樂云凡樂園鐘為宮黃鐘為角太簇為徵姑洗  
為羽鼙鼓鼙鼓孤竹之管雲和之琴瑟雲門之舞冬  
日至於地上之園丘奏之若樂六變則天神皆降可



得而禮矣郊特牲曰郊之祭也迎長日之至也大報  
 天而主日也兆於南郊就陽位也又曰郊之祭也大  
 報本反始也言以冬至之後日漸長郊祭而迎之是  
 建子之月則與經俱郊祀於天明園丘南郊也云周  
 公攝政因行郊天之祭乃尊始祖以配之也者按文  
 王世子稱仲尼曰昔者周公攝政踐阼而治抗世子  
 法於伯禽所以善成王也則郊祀是周公攝政之時  
 也公羊傳曰郊則曷為必祭稷王者必以其祖配王  
 者則曷為必以其祖配自內出者無主不行自外至  
 者無主不止言祭天則天神為客是外至也須入為  
 主天神乃至故尊始祖以配天神侑坐而食之按左  
 氏傳曰凡祀皆蠶而郊又云郊祀后稷以祈農事也  
 而鄭註禮郊特牲乃引易說曰三王之郊一用夏正  
 建寅之月也此言迎長日者建卯而晝夜分分而日  
 長也然則春分而長短分矣此則迎在未分之前至  
 謂春分之日也夫至者是長短之極也明分者晝夜  
 均也分是四時之中啓蟄在建寅之月迨至而未及  
 分必於夜短左為日長則左氏傳不應言啓蟄也若

以日長有漸郊可預迎則其初長宜在極短之日故  
 知傳啓蟄之郊是祈農之祭也周禮冬至之郊是迎  
 長日執木反始之祭也鄭玄以祭法有周人禘嘗之  
 文遂變郊為祀感生之帝謂東方青帝靈威仰周為  
 木德威仰木帝以駁之曰按爾雅曰祭天曰燔柴祭  
 地曰瘞瘞又曰禘大祭也謂五年一次大祭之名又祭  
 法祖有功宗有德皆在宗廟本非郊配若依鄭說以  
 帝嘗配祭園丘是天之尊也周之尊帝嘗不若后  
 稷今配青帝乃非最尊實乖嚴父之義也且徧窺經  
 籍並無以帝嘗配天之文若帝嘗配天則經應云禘  
 嘗於園丘以配天不應云郊祀后稷也天一而已故  
 以取在祭在郊則謂為園丘也其時中即馬昭抗章周執  
 園丘即郊也郊即園丘也其時中即馬昭抗章周執  
 當時執傳士張融質之融稱漢世英儒自董仲舒劉  
 向馬融之倫皆周人之祀昊天於郊以后稷配無  
 如玄說配蒼帝也然則周禮園丘則孝經之郊聖人  
 因尊事天曰卑事地安能復得祀帝嘗于園丘配后  
 稷於蒼帝之禮乎且在周頌思文后稷克配彼天又



吳夫有成命郊祀天地也則郊非蒼帝通儒同說為長伏以孝為人行之本祀為國事之大孔聖垂文固非臆說前儒詮證各擅一家自頃修撰備經對覆究理則依王肅為長從眾則鄭義已久王義其聖証之論鄭義其於三禮義宗王鄭是非於禮記其義文多卒難詳屢說此畧提机要且舉一端焉。○註明堂至之也。○正義曰云明堂天子布政之官也者按禮記明其一端註明堂朝諸侯于明堂之位天子負斧依南鄉而立明堂也者明諸侯之尊卑也制禮作樂頒度量而天下大服知明堂是布政之官也云周公因祀五方上帝於明堂乃尊文王以配之也者五方上帝即上帝也謂以文王配五方上帝之神俯坐而食也按鄭註論語云皇皇后帝並謂太微五帝在天為上帝分王五方為五帝舊說明堂在國之南去王城七里以近為嫌南郊去王城五十里以遠為嚴五帝卑於昊天所以于郊祀昊天于明堂祀上帝也其以后稷配郊以文王配明堂義見于上也五帝謂東方青帝靈威仰南方赤帝赤熛怒西方白帝白招

招拒北方黑帝汗光紀中央黃帝含樞紐鄭炫云明堂居國之南南是明陽之地故曰明堂按史記云黃帝接萬靈於明庭明庭即明堂也明堂起於黃帝周禮考工記曰夏后曰世室殷人重屋周人明堂先儒舊說其制不同按大戴禮云明堂凡九室一室而有四戶八牖三十六戶七十二牖以茅蓋屋上圓下方鄭炫據接神契云明堂上圓下方八牖四間考工記曰明堂五室稱九室者或云取象陽數也八牖者陰數也取象八風也三十六戶取象六甲子之六六三十六也上圓象天下方法地八牖者即八節也四闔者象四方也稱五室者取象五行皆無明文也以意釋之取此言宗祀於明堂謂九月大享靈威仰等五帝以文王配之即月令云季秋大享帝註云編祭五帝以其土言舉五穀之要藏帝籍之收於神倉六月西方成事終而報功也。○註君行至祭也。○正義曰云君行嚴配之禮者此謂宗祀文王於明堂以配天是也云則德教刑於四海海內諸侯各脩其職來助祭也者謂四海之內六服諸侯各脩其職貢方物



也按周禮大行人以九儀辨諸侯之命廟中將幣三享又曰侯服貢祀物鄭云犧牲之屬甸服貢嬭物註云絲帛也男服貢器物註云尊彝之屬也采服貢服物註云玄纁絺纈也衛服貢材物註云八材也要服貢貨物註云龜貝也此是六服諸侯各脩其職來助祭又若尚書武成篇云丁未祀於周廟邦甸侯衛駿奔走執邊豆亦奔是助祭之義也故親生之膝下以養父母日嚴註親猶愛也膝下謂孩幼之時也言親愛之心生於孩幼

此及年長漸識義方則日加尊嚴能致敬於父母也

聖人因嚴以教敬因親以教愛註聖人因其親嚴之心敦以愛敬之教故出以就傅趨而過庭以教敬也

抑搔癢痛懸衾篋枕以教愛也聖人之教不肅而成

其政不嚴而治註聖人順羣心以行愛敬制禮則以

施政教亦不待嚴肅而成理也其所因者本也註本

謂孝也故親至本也○正義曰此更廣陳嚴父之

不教則昧言親愛之心生在其孩幼膝下之時於是

敬於父母故云以養父母日嚴也是以聖人因其日

嚴而教之以敬因其知親而教之以愛故聖人因之以

孝也言本皆因於孝道也○註親猶至母也○正義

曰云親猶愛也者嫌以親為父母故云親猶愛也云

膝下謂孩幼之時也者按內則云子生三月妻以子

見於父父執子之右手孩而名之按說文云孩小兒

笑也謂指其顙下今之笑而為之名故知膝下謂孩

幼之時也云親愛之心生於孩幼之時也者言孩幼

之時已有親愛父母之心生也云此及年長漸識義

卷五

六



方則日加尊嚴能致於父母也者春秋左氏傳石  
 碯曰臣聞愛子教之以義者亦猶道也謂教以仁義  
 合宜之道也其教之者按禮記內則子能飲食教以  
 右手能言男左女右能辨香臭男女辨香六年教之數與  
 方名七年男女不同席不共食八年出入門戶及能  
 席飲食必後長者始教之讓九年教之數日又曲禮  
 云幼子常視無詭立必正方不傾聽與之提攜則兩  
 手奉長者之手資雖辟唯詔之則掩口而對註約彼  
 文為說故曰日加尊嚴言子幼而誨及長則能致敬  
 其親也。○註聖人至愛也。○正義曰父子之道簡易  
 則慈孝不接狎則怠慢生焉故聖人因其親嚴之心  
 敦以愛敬之教也云出以就傳者按禮記內則云十  
 年出就外傅居宿於外學書計鄭云外傅教學之師  
 也謂年十歲出就外傅居宿於外就師而學也按十  
 年出就外傅指命士已上今此引之則尊卑皆然也  
 云趨而過庭以教敬也者言父之與子於禮不得當  
 同居處也按論語云陳亢問於伯魚曰子亦有異聞  
 乎對曰未也嘗獨立鯉趨而過庭曰學禮乎對曰未

也不學禮無以立鯉退而學禮聞斯二者陳亢退而  
 喜曰問一得二聞詩聞禮又聞君子之遠其子也故  
 註約彼文以為說也云抑搔癢痛懸衾篋枕以教愛  
 者也者此並約內則文按彼云以適父母舅姑之所  
 及所下氣怡聲問衣煖寒疾痛疴癢而敬抑搔之  
 母舅姑於坐奉席請何鄉將社長者奉席請何鄉少  
 者執牀與坐御者舉几斂席與箠懸衾篋枕斂篋而  
 獨之鄭註云須臥乃敷之也獨朝也是父母未寢故  
 衾被則懸枕則置篋中言子有近父母之道所以教  
 其愛也夫愛以敬生敬先於愛無宜待敬而此言教  
 敬愛者禮記樂記曰樂者為同禮者為異同則相親  
 異則相敬樂勝則流是愛深而敬薄也禮勝則離是  
 嚴多而愛殺也不教敬則不嚴不和親則忘愛所以  
 先敬而後愛也舊註取士章之義而分愛敬父母之  
 別此其失也。○註聖人至理也。○正義曰云聖人順  
 羣心以行愛敬者聖人謂明王也聖者通也稱明王  
 者言在位無不照也稱聖人者言用心無不通也順  
 羣心者則首章以順天下是也以行愛敬者則天子



能愛親敬親者是也。云制禮則以施政教者，則德教加於百姓，是也。云亦不待嚴肅而成理也者，蓋言于化順此而行之也。言亦者，三才章已有成理之言，故云亦也。註本謂至孝也。正義曰：此依鄭註也。首章云夫孝德之本也，制旨曰：夫人倫正性在蒙幼之中，導之斯通，養之斯蔽，故先王慎其所養，於是乎有胎中之教，膝下之訓，感之以惠和，而日親焉。期之以恭順，而日嚴焉。夫親也者，緣乎正性，而達人情者也。故因其親嚴之心，敬以愛敬之範，則不嚴而治，不肅而成，謂其本於先祖也。父子之道，天性也。君臣之義也。註父子之道，天性之常，加以尊嚴，又有君臣之義。

父母生之續莫大焉

父母生于傳體

君親臨之厚莫重焉

謂

相續人倫之道莫大於斯。君親臨之厚莫重焉。父為君以臨於己，恩義之厚莫重於斯。父子至重焉。正義

曰此言父子恩親之情，是天生自然之道。父以尊嚴臨于子，以親愛事父，尊卑既陳，貴賤斯位，則子之事父如臣之事君。若易稱乾元資始，坤元資生，又論語曰：子生三年，然後免於父母之懷，是父母生已，傳體相續，此為大焉。言有父之尊，同君之敬，恩義之厚，此最為重也。註父子至之義。正義曰：云父子之道，天性之常者，父子之道，自然慈孝，本乎天性，則生愛敬之心，是常道也。云加以尊嚴，又有君臣之義者，言父子相親，本於天性，慈孝生於自然，既能尊嚴於親，又有君臣之義，故易家人卦曰：家人有嚴君焉，父母之謂也。是謂父母為嚴君也。註父母至於斯。正義曰：按說文云：續，連也。言于繼於父母，相連不絕也。易稱生生之謂易，言後生次於前也。此則傳續之義也。註謂父至於斯。正義曰：上引家人之文，言人子之道於父母，有嚴君之義，此章既陳聖治，則事繫於人君也。按禮記文王世子稱：昔者周公攝政，抗世子之法於伯禽，使之與成王居，故令成王之知父子君臣之義，君之於太子也，親則父也，尊則君也。有父之親



有君之尊然後兼天下而有之者言既有天故不愛性之恩又有君臣之義厚重莫過於此也

其親而愛他人者謂之悖德不敬其親而敬他人者

謂之悖禮言盡愛敬之道然後施教於人違此則

於德禮為悖也以順則逆民無則焉行教以順入

心今自逆之則下無所法則也不在於善而皆在於

凶德善謂身行愛敬也凶謂悖其德禮也雖得之

君子不貴也言悖其德禮雖得志於人上君子之不

貴也疏故不至貴也。正義曰此說愛敬之失悖於

不能身行愛敬也而愛他人敬他人者是教天下行

禮也唯人君合行政教以順天下人心今則自逆不行翻使天下之人法行於逆道故人無所法則斯乃不在於善而皆在於凶德在謂心之所在也凶謂凶害於德也如此之君雖得志於人上則古先哲王聖人君子之所不貴也。言盡至悖也。正義曰云言盡愛敬之道然後施教於人者此孔傳也則天子章言愛敬盡於事親而德教加於百姓是也云違此則於德禮為悖也者按禮記大學云堯舜率天下以行而民從之桀紂率天下以暴而民從之其所令反其所好而民不從是故君子有諸已而后求諸人無諸已而后非諸人所藏乎身不恕而能喻諸人者未之有也是知人君若違此不盡愛敬之道而教天下人行愛敬是悖逆於德禮也。善謂至禮也。正義曰云善謂身行愛敬也者謂身行愛敬乃為善也云凶謂悖其德禮也者悖猶逆也言逆其德禮則為凶也。言悖至貴也。正義曰云悖其德禮者此依魏註也謂人君不行愛敬於其親鄭註云悖若桀紂是也云雖得志於人上者君子之不貴也者言君



子如此是雖得志居臣人之上幸免篡逐君子則不之禍言聖人君子之所不貴言賤惡之也然不悖德禮也言思可道行思可樂思可道而

後言人必信也思可樂而後行人必悅也德義可尊

作事可法立德行義不違道正故可尊也制作事

業動得物宜故可法也容止可觀進退可度容止

威儀也必合規矩則可觀也進退動靜也不越禮法

則可度也以其民畏而愛之則而象之

君行六事臨撫其人則下畏其威愛其德皆放象

於君也故能成其德教而行其政令上正身以率

下下順上而法之則德教成政令行也疏君子至政

令。正義

日前說為君而為悖德禮之事此言聖人君子則不  
然也君子者須慎其言行動止舉措思可道而後言  
思可樂而後行故德義可以尊崇作業可以為法威  
容可以觀望進退皆脩禮法以此大事君臨其民則  
人畏威而親愛之法則而象效之故德教以此而成  
政令以此而行也。不悖德禮也。正義曰此依  
魏註也言君子舉措皆合德禮無悖逆也。思可  
至悅也。正義曰言者心之聲也思者心之慮也可  
者事之合也道謂陳說也行謂施行也樂謂使人悅  
服也禮記中庸稱天下至聖言而民莫不信行而民  
莫不說也。立德至可法也。正義曰此立德行  
義不違道正故可尊也者此依孔傳也劉炫云德者  
得於理也義者宜於事也得理在於身宜事見於外  
謂理得事宜行道守正故能為人所尊也云制作事  
業動得物宜故可法也者作謂造立也事謂施為也  
易曰舉而措之天下之民謂之事業言能作衆物之



端為器用之式造立於已成式於物物得其宜故能使入法象也。○註容止至度也。正義曰容止威儀也必合規矩則可觀也者此依孔傳也容止謂禮容所正也漢書儒林傳云魯徐生善為容以容為禮官大夫是也威儀即儀禮也中庸云威儀三千是也春秋左氏傳曰有威而可畏謂之威有儀而可象謂之儀言君子有此容止威儀能合規矩按禮記玉藻云周還中規折還中矩鄭云反行也宜圓曲行也宜方是合規矩故可觀云進退動靜也者進則動也退則靜也按易乾文言曰進退無常非離羣也又艮卦象曰時止則止時行則行動靜不失其時其道光明是進退則動靜也云不越禮法則可度也者動靜不垂越禮法故可度也。○註君行至君也。正義曰云君行六事臨撫其人者言君施行六事以臨撫下人六事即可度以上之事有兵也云則下畏其威愛其德皆放象於君也者按左傳北宮文子對衛侯說威儀之事稱有威而可畏謂之威有儀而可象謂之儀君有君之威儀其臣畏而愛之則而象之又因引周書

數文王之德曰大國畏其力小國懷其德言畏而愛之也詩云不識不知順帝之則言則而象之也又云君子在位可畏施舍可愛進退可度周旋可則容止可觀作事可法德行可象聲氣可樂動作有文言語有章以臨其下謂之有威儀也據此與經雖稍殊別大抵皆敘君之威儀也故經引詩云其儀不忒其義同也。○註上正至行也。正義曰云上正身以率下者此依孔傳也論語孔子對季康子曰子率以正孰敢不正又曰其身正不令而行是正其身之義也云下順上而法之者言正其身以率下則下人皆從之無不法則德教成政令行。○註詩云淑人君子其儀不忒也者言風化當如此也。○註淑善也忒差也義取君子威儀不差為人法則。○疏詩云至不忒。○正義曰夫子述君子之德既畢乃引曹風鳴鳩之詩以贊美之言善人君子威儀不差失也。○註淑善至法則。○正義曰云淑善也忒差也此依鄭註也淑善釋詁文釋言云爽差也爽忒也轉互



相訓故或得為差也云義取君子威儀不  
差為入法則者亦言引詩大意如此也

孝經註疏卷第五

孝經註疏卷第六

宋邢昺校

皇明朝列大夫國子監祭酒臣韓世能等奉

勅重校刊

紀孝行章第十疏

正義曰此章紀錄孝子事親之行也前章孝治天下所施政教不待嚴肅自然成理故君子皆由事親之心所以孝行有可紀也故以各章次聖人之後或於孝行之下又加犯法兩字今不取也

子曰孝子之事親也居則致其敬

平居必盡其教養

則致其樂

就養能致其懼

病則致其憂

色不滿

容行不正履

喪則致其哀

擗踊哭泣盡其哀情祭



則致其嚴註齋戒沐浴明發不寐註五者備矣然後能

事親註五者闕一則未為能註疏子曰至事親。正義

子能事其親而稱孝者謂平常居處家之時也當須盡於恭敬若進飲食之時怡顏悅色致親之孝若親之有疾則冠者不擗怒不至言盡其憂謹之心若親喪亡則攀號毀瘠終其哀情也若卒喪之後當盡其祥練及春秋祭祀又當盡其嚴肅此五者無限貴賤有盡能備者是其能事親也。正義曰此依王註也平居謂平常在家孝子則須恭敬也案禮記內則云子事父母雞初鳴咸盥漱至於父母之所敬進甘脆而后退又祭義曰養可也敬為難皆是盡敬之義也。正義曰此依鄭註也案禮記內則云子事父母雞初鳴咸盥漱至於父母之無方言孝子冬溫夏凜昏定晨省及進飲食以養父母皆須盡其敬安之心不然則難以致親之權也。正義曰此依鄭註也案禮記文王世子

子云王季有不安節則內豎以告文王文王色憂行不能正履又下文此古之世子亦朝夕問於內豎其有不安節世子色憂不滿容此註減憂能二字者以此章通於貴賤雖擬人非其倫以舉重以明輕之義也。正義曰此依鄭註也並約來親章文其義與於彼也。正義曰此依鄭註也並約來皆說祭祀嚴敬之事也案祭義曰孝子將祭夫婦齊敬沐浴盛服奉承而進之言將祭必先齊戒沐浴也又云文王之祭也事死如事生詩云明發不寐有懷二人謂父母之詩也鄭註云明發不寐謂夜而至旦也二人謂父母也言文王之嚴敬祭祀如此也。正義曰此五等事也五事若闕一事親者居上不驕。正義曰此依魏註也凡為孝子者須備以臨下也。為下不亂。當恭謹以奉上也。在醜不爭。醜衆也爭競也當和順以從衆也居上而驕則亡。



為下而亂則刑在醜而爭則兵謂以兵刃相加者不除雖日用三牲之養猶為不孝也三牲太牢也

也孝以不毀為先言上三事皆可去身而不除之雖

日致太牢之養固非孝也疏事親至孝也。正義曰

驕溢之事為臣下者不可為撓亂之事在醜輩之中

不可為忿爭之事是以居上須去驕不去則危亡也

為下須去亂不去則致刑辟在醜輩須去爭不去則

兵刃或加於身若三者不除雖復日日能用三牲之

養終貽父母之憂猶為不孝之子也。醜眾也爭

競也。正義曰此依魏註也醜眾釋詁文左傳曰師

競已甚杜預云競猶爭也故註以競釋爭也。謂

以兵刃相加。正義曰此依常義案左傳云晉范鞅

用劍以帥卒杜預曰用短兵接敵此則刃劍之屬謂

之兵也必有刃堪害於人則左傳齊莊公請自刃於

廟是也言處儕眾之中而每事好爭競或有以刃相

讎害也。三牲至非孝也。正義曰云三牲太牢

也者三牲牛羊豕也案尚書召誥稱越翼日戊午乃

社於新邑牛一羊一豕一孔云用太牢也是謂三牲

為太牢也云孝以不毀為先者則首章不敢毀傷也

云言上三事皆可去身者謂上居上而驕為下而亂

在醜而爭之三事皆可棄亡其身命也云而不除之

雖日致太牢之養固非孝也者言奉養雖優不除驕

亂及爭競之事使親常憂故非孝也

五刑章第十一疏正義曰此章五刑之屬三千案舜

記問衷云衷多而服五罪多而刑五以其服有親

疏罪有輕重也故以名章以前章有驕亂忿爭之

事言此罪惡必及刑辟故此次之

子曰五刑之屬三千而罪莫大於不孝五刑謂墨劓



刑宮大辟也條有三千而罪之大者莫過不孝夏君

者無上註君者臣之稟命也而敢要之是無上也非

聖人者無法註聖人制作禮樂而敢非之是無法也

非孝者無親註善事父母為孝而敢非之是無親也

此大亂之道也註言人有上二三惡豈唯不孝乃是太

亂之道疏子曰至道也○正義曰五刑者言刑名有

雖異其罪乃同故言之屬以包之就三千條中其

不孝之罪尤大故云而罪莫大於不孝也凡為入子

當須遵承聖教以孝事親以忠事君君命宜奉而有

之敢要之是無心遵於上也聖人垂範當須法則今

乃非之是無心法於聖人也孝者百行之本事親為

死今乃非之是無心愛其親也卉木無識尚感君政

禽獸無禮尚知戀親況在人靈而敢要君不孝也道

亂之道此為大馬故曰此大亂之道也○五刑至

不孝○正義曰云五刑謂墨劓剕宮大辟也者此依

魏註也此五刑之名皆尚書呂刑文孔安國云劓其

額而涅之曰墨刑額也謂刻額為瘡以墨塞瘡孔

命變色也墨一名黥又云截鼻曰劓刑足曰剕釋言

云刑刑也李巡曰斷足曰剕是也又云宮淫刑也男

子割勢婦人幽閉次死之刑以男子之陰名為勢割

去其勢與塚去其陰事亦同也婦人幽閉閉於宮使

不得出也又云大辟死刑也案此五刑之名見於經

傳唐虞以來皆有之矣未知上古起自何時漢文帝

始除肉刑除墨劓剕取宮刑猶在隋開皇之初始除



不言贖而云刑者據呂刑之文也云條有三千而罪之大者莫過不孝者案周禮司刑掌五刑之法以麗萬民之罪墨罪五百劓罪五百宮罪五百剕罪五百殺罪五百合二千五百至周穆王乃命呂侯入為司寇合其訓暢夏禹贖刑增輕削重依夏之法條有三千則周三千之條首自穆王始也呂刑云墨罰之屬千劓罰之屬千剕罰之屬千宮罰之屬三百大辟之罰其屬二百五刑之屬三千言此三千條中罪之大者莫有過於不孝也案舊註說及謝安袁宏王獻之殷仲文等皆以不孝之罪聖人惡之云在三千條外此失經之意也案上章云三者不除雖日用三牲之養猶為不孝此承上不孝之後而云三千之罪莫大於不孝是因其事而便言之本無在外之意案檀弓云子弑父凡在官者殺無赦殺其人壞其室泐其宮而豬焉既云學斷斯獄則明有條可斷也何者易序卦稱有天地然後萬物生焉自屯蒙至需訟即爭訟之始也故聖人法雷電以申威刑所與其來遠矣唐虞以上書傳靡詳舜命皋陶有五刑五刑斯著案

風俗通曰皋陶謨是虞時造也及周穆王訓夏李悝師魏乃著法經六篇而以盜賊為首賊之大者有惡逆焉決斷不違時凡赦不免又有不孝之罪並編十惡之條前世不忘後世為式而安宏不孝之罪不列三千之條中今不取也○國君者至無上也○正義曰此依孔傳也案晉語云諸大夫迎悼公公曰孤始願不及此孤之及此天也抑人之有元君將稟命焉明凡為臣下者皆稟君敎命而敢要以從已是有無上之心故非孝子之行也若臧武仲以防求為後於魯晉舅犯及河授磔請亡之類是也○國聖人至法也○正義曰此依孔傳也聖人規模天下法則兆民敢有非毀之者是無聖人之法也○國善事至親也○正義曰孝為百行之本敢有非毀之者是無親愛之心也○國言人至之道○正義曰言人不忠於君不法於聖不愛於親此皆為不孝乃極罪惡之極故經以大亂結之也

廣要道章第十二疏

正義曰前章明不孝之惡罪之



不容廣宣要道以教化之則能變而為善也首章略云至德要道之事而未詳悉所以於此申而演之皆云廣也故以名章次五刑之後要道先於至德者謂以要道施化行而後徧彰亦明道德相成所以以五為先後也

子曰教民親愛莫善於孝教民禮順莫善於悌言教人親愛禮順無加於孝悌也

移風易俗莫善於樂風俗移易先入樂聲變隨人心正由君德正之與變

因樂而彰故曰莫善於樂安上治民莫善於禮禮

所以正君臣父子之別明男女長幼之序故可以安

上化下也疏子曰至於禮正義曰此夫子述廣要之義言君欲教民親於君而愛之者莫

善於身自行孝也君能行孝則民效之皆親愛其君欲教民禮於長而順之者莫善於身自行悌也人君行悌則人效之皆以禮順從其長也欲移易風俗之弊敗者莫善於聽樂而正之欲身安於上民治於下者莫善於行禮以帥之言教至悌也正義曰言欲民親愛於君禮順於長者莫善於君身自行孝悌之善也疏風俗至於樂正義曰云風俗移易先入樂聲者子夏詩序云風也教也風以動之教以化之韋昭曰人之性繫於大人大人風聲故謂之風隨其趨舍之情欲故謂之俗詩序又曰至于王道衰禮義廢政教失國異政家殊俗而變風變雅作矣是入樂聲之義也云變隨人心正由君德者詩序又曰國史明乎得失之迹傷人倫之廢哀刑政之苛吟味情性以風其上故變風發乎情止乎禮義發乎情民之性也止乎禮義先王之澤也以斯言之則知樂者本於情性聲者因乎政教政教失則人情壞人情壞則樂聲移是變隨人心也國史明之遂吟以風上也受其風上而行其失乃行禮義以正之教化以美之



上政既和人情自治是正由君德也云正之與變因  
樂而彰故曰莫善於樂者詩序又曰治世之音安以  
樂其政和亂世之音怨以怒其政乖各片國之音哀以  
思其民困又尚書益稷篇舜曰予欲聞六律五聲八  
音在治忽孔安國云在察天下理治及忽怠者皆是  
因樂而彰也案禮記云太樂與天地同和則自生人  
以來皆有樂性也世本曰伏羲造琴瑟則其樂器漸  
於伏羲也史籍皆言黃帝樂曰雲門顓頊曰大英帝  
嚳曰五莖堯曰咸池舜曰大韶禹曰大夏湯曰大濩  
武曰大武於樂之聲節起自黃帝也○禮所至下  
也○正義曰云禮所以正君臣父子之別明男女長  
幼之序者此依魏註也禮云非禮無以辨君臣上下  
長幼之位非禮無以辨男女父子兄弟之親是也云  
故可以安上化下也者釋安上治民也樂記云禮殊  
事而合敬樂異人而同愛敬愛之極是謂要道神而  
明之是謂至德故必由斯人以弘斯敬而後禮樂興  
焉政令行焉以盛德之訓傳於樂聲則感人深而風  
俗移易以盛德之化措諸禮容則悅者衆而名教著

明蘊乎其樂章乎其禮故相待而成矣然則韶樂存  
於齊而民不為之易周禮備於魯而君不獲其安亦  
政教失其極取夫禮者敬而已矣○註敬者禮之本也  
故敬其父則子悅敬其兄則弟悅敬其君則臣悅敬  
一人而千萬人悅○註居上敬下盡得懽心故曰悅也

所敬者寡而悅者衆此之謂要道也○疏禮者至道也  
承上莫善於禮也言禮者敬而已矣謂禮主於敬也  
又明敬功至廣是要道也其要正以謂天子敬人之  
父則其子皆悅敬人之兄則其弟皆悅敬人之君則  
其臣皆悅此皆敬父兄及君一人則其子弟及臣千  
萬人皆悅故其所敬者寡而悅者衆即前言所言先  
王有至德要道者皆此義之謂也○註敬者禮之本  
也○正義曰此依鄭註也案曲禮曰毋不敬是也○  
註居上至悅也○正義曰云居上敬下者案尚書五



予之歌云為人上者奈何不敬謂居上位須敬其下云盡得權心故曰悅也者言得權心則無所不悅也案孝治章云故得萬國百姓及人之權心是也舊註云一人謂父兄君千萬人謂子弟臣也者此依孔傳也一人指受敬之人則知謂父兄君也千萬人指其喜悅者則知謂子弟臣也夫子弟及臣名何帝千萬言千萬人者舉其大數也

孝經註疏卷第六

予之歌云為人上者奈何不敬謂居上位須敬其下云盡得權心故曰悅也者言得權心則無所不悅也案孝治章云故得萬國百姓及人之權心是也舊註云一人謂父兄君千萬人謂子弟臣也者此依孔傳也一人指受敬之人則知謂父兄君也千萬人指其喜悅者則知謂子弟臣也夫子弟及臣名何帝千萬言千萬人者舉其大數也



